



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Maria De Oegnies. 23. Iunii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

& cum eo omnes vinctos Nolanos manu-misit, navesque in donum frumentarias complures addidit. Nola igitur ingressus, pulchrum de servitute triumphum egit, pluribus eum civibus, quam Scipionem pileatis sequentibus. Sed liber animus corporis adhuc ergastulo clausus tenebatur. Tandem anno CCCCXXXI. hic etiam vindicias secundum libertatem à morte accepit. At tunc Nola, imò Italia iterum captam se putavit, libertatis suae auctore amisso. *Ex Dial. S. Greg.*

S. MARIA DE OEGNIES.

23. Iunii.

EX amplissimo virtutum **MARIE** OEGNIACENSIS viridario flores omnes prater virginitatis liliū licet carpere. Hoc enim illi parentum importunitas invidit, qui invitam nuptiis illigarunt; quarum vix libato usu, marito continentiam persuasit, magnam Christi approbatione, cujus crucem nunquam sine lacrimis, nunquam absque suo aliorumve bono adoravit. Militem genere, quam moribus nobiliorem suis præceptionibus perductum ad frugem, malus dæmon ad infames naufragiis ejus scopulos retraxerat. Id Maria longè absens vidit tamen, & Crucifixi affusa pedibus, precum finem non antè fecit, quam infelici avulsum contuber-

tubernio, Deo sifteret transfugam. Eandem sibi apud Deum patronam animæ piacularibus ardentes flammis optarunt, supplices nonnunquam ad eam manus tendere visæ: & verò quid illi cælum negaret, centies per diem flexo poplite supplicanti, trecentis plagis laceranti corpus, atro pane vexanti veriùs, quàm extinguenti famem, & fanè non duraturæ inter hæc supplicia, nisi Angelorum præsentia foveretur, & familiari cum Dei filio usu, qui subinde suâ infantiâ amabilis, aliàs agni aut columbæ specie decorus, ei delicias faciebat. Ab hoc illi mira in divinas laudes eloquentia, vires adversus inferni larvas suppeditatæ, quarum cum se una morienti ingereret, hoc ejus convitio fugata est: *Discede sanies, & turpitude.* Id quâ fronte dicent, qui per omnem vitam se tam cupidè in hujus belluæ fimeto volutarunt? *Ex Surio.*

S. IOANNES BAPTISTA.

24. Iunii.

IOANNES melioris Solis melior Phosphorus ortus sui nuntium Angelum habuit. Ipse in matre jam sanctus, vix natus est, cum mutum parentem loqui oracula infans fecit. Patriam domum cum eremo mutavit, & cibum locustas ac mel agreste, vestem cameli exuvias habuit, Inde anno Tiberii imperantis